

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu finansija, budžet i trezor



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Prilijeno:	03-06-2024		
Org. jed.	Kl. ozna.	Red. broj	Br. priloga
01	11	1306/24	

Broj: 02-11-2542/23-AP-4
Datum: 22.05.2024. godine

GRADSKO VIJEĆE ZAVIDOVIĆI
n/r PREDSEDAVAJUĆI GRADSKOG VIJEĆA
Admir Fojnica prof.

PREDMET: Pravilnik o vlastitim prihodima Grada Zavidovići, dostavlja se

U prilogu akta dostavljam Vam Pravilnik o vlastitim prihodima Grada Zavidovići.
Pravilnik o vlastitim prihodima Grada Zavidovići sa obrazloženjem i zaključkom Gradonačelnika, dostavljam Gradskom vijeću Zavidovići radi uvrštavanja u dnevni red sjednice Gradskog vijeća i davanje saglasnosti na isti u skladu sa članom 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22).

S poštovanjem.

Dostavljeno:

1. Naslovu,
2. U spis.



GRADONAČELNIK

doc.dr. Hašim Mujanović



Broj: 02-11-2542/23-AP-2
Datum: 22.05.2024. godine

Na osnovu člana 24. Zakona o budžetima FBiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 25/22), člana 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22), člana 69. Zakona o organizaciji organa uprave u Federaciji BiH („Službene novine FBiH“, broj: 35/05), člana 15. Zakona o principima lokalne samouprave u FBiH („Službene novine FBiH“, broj: 49/06 i 51/09) i člana 12. stav 1. tačka 6. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradonačelnik Grada Zavidovići donosi

PRAVILNIK
o vlastitim приходима Grada Zavidovići

DIO I - OPĆE ODREDBE

Član 1.
(Predmet pravilnika)

Pravilnikom o vrstama vlastitih javnih prihoda Grada Zavidovići (u daljem tekstu: Pravilnik) propisuju se kriteriji za utvrđivanje i vrste vlastitih javnih prihoda Grada Zavidovići, planiranje, namjenu, raspolaganje i način uplate vlastitih javnih prihoda Grada Zavidovići, te nadzor nad provođenjem ovog Pravilnika.

Član 2.
(Subjekt primjene)

Odredbe ovog Pravilnika primjenjuju se na Grad Zavidovići, kao jedinstvenog budžetskog korisnika.

**DIO II - KRITERIJI ZA UTVRĐIVANJE I VRSTE VLASTITIH
JAVNIH PRIHODA GRADA ZAVIDOVIĆI**

Član 3.
(Kriteriji)

(1) Kriteriji za utvrđivanje vlastitih javnih prihoda u skladu sa članom 4. Pravilnika o vrstama javnih prihoda u Federaciji Bosne i Hercegovine su:

- a) prihod ne spada u kategoriju poreza, doprinosa, naknada, taksi i kazni,
- b) prihod nije kao javni prihod propisan posebnom odredbom u zakonu,
- c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji

zakonska isključivost da aktivnost vrši samo određeni pravni subjekt s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Grada.

(2) Kriteriji iz stava (1) ovog člana primjenjuju se na kumulativnoj osnovi za utvrđivanje vlastitih javnih prihoda Grada Zavidovići.

(3) Pod vlastitim javnim приходima ne podrazumijevaju se oni prihodi koje Grad Zavidovići ostvari obavljajući osnovnu djelatnost propisanu zakonima ili drugim propisima, za koju je propisima utvrđena visina naknade za usluge koje pruža pravnim i fizičkim licima, kao ni prihodi ostvareni u poslovanju između gradova, općina, ministarstava, javnih ustanova, javnih preduzeća kao i ustanova, javnih preduzeća i privrednih društava čiji je osnivač Grad Zavidovići.

Član 4.

(Vlastiti javni prihodi Grada Zavidovići)

(1) Vlastiti javni prihodi Grada Zavidovići od iznajmljivanja su:

	Oznaka vrste prihoda	Naziv vlastitog javnog prihoda
1.	722642	Vlastiti prihodi od iznajmljivanja poslovnih prostora
2.	722643	Vlastiti prihodi od iznajmljivanja drugih nepokretnosti: stanovi i garaže
3.	722645	Vlastiti prihodi od iznajmljivanja opreme
4.	722651	Vlastiti prihodi od prodaje usluga, pristupa i korištenja katastra komunalnih uređaja

(2) Pravni osnov ostvarivanja vlastitih javnih prihoda iz stava (1) tačke: 1., 2. i 3. ovog člana su ugovori sa zakupoprimcima u skladu sa gradskim odlukama.

(3) Pravni osnov ostvarivanja vlastitih javnih prihoda iz stava (1) tačka 4. su rješenja nadležne službe.

DIO III - PLANIRANJE, NAMJENA, RASPOLAGANJE I NAČIN UPLATE VLASTITIH JAVNIH PRIHODA

Član 5.

(Planiranje i namjena vlastitih javnih prihoda)

(1) Planiranje, upravljanje i raspolaganje vlastitim javnim приходima, kao i nadzor nad istim vrši se u skladu sa Zakonom o Budžetima u Federaciji BiH.

(2) Vlastiti javni prihodi Grada Zavidovići i rashodi i izdaci koji će se finansirati iz tih prihoda planiraju se u budžetu Grada Zavidovići.

(3) Vlastiti javni prihodi iz čl. 4. ovog Pravilnika, raspoređuju se prema fondovskoj klasifikaciji vlastitih javnih prihoda (izvorima sredstava), koja se utvrđuje u Budžetu Grada, u opći fond sa oznakom 01 i služe za plaćanje rashoda i izdataka koji se ne finansiraju iz sredstava za posebne namjene.

Član 6.
(Raspodaganje vlastitim javnim prihodima)

Vlastitim javnim prihodima Grada Zavidovići raspolaže Grad Zavidovići u skladu sa Registrom budžetskih korisnika i Budžetom Grada Zavidovići za tekuću godinu.

Član 7.
(Način uplate vlastitih javnih prihoda i plaćanje iz vlastitih javnih prihoda)

(1) Vlastiti javni prihodi Grada Zavidovići uplaćuju se na Depozitni račun Grada Zavidovići, otvoren kod Union banke d.d. Sarajevo broj 1020320000027070 u skladu sa Pravilnikom o načinu uplate, pripadnosti i raspodjele javnih prihoda u Federaciji Bosne i Hercegovine.

(2) Vlastiti javni prihodi Grada Zavidovići uplaćeni na Depozitni račun Grada Zavidovići, svakog radnog dana raspoređuju se na glavni transakcijski račun otvoren kod Union banke d.d. Sarajevo broj 1020320000002626, sa kojeg se vrše plaćanja rashoda i izdataka izvršenih u skladu s Budžetom Grada Zavidovići.

Član 8.
(Evidentiranje i praćenje naplate vlastitih prihoda)

(1) Evidentiranje i praćenje naplate vlastitih javnih prihoda vrši se u skladu sa „Računovodstvenim politikama za jedinstveni organ uprave Općine Zavidobvići“ („Službeni glasnik Općine Zavidovići“, broj: 9/2020).

(2) Služba za upravu finansija budžet i trezor je dužna, na zahtjev nadležne službe, dostavljati knjigovodstveno stanje potraživanja po osnovu vlastitih javnih prihoda.

(3) Nadležne službe Grada Zavidovići, odgovorne su za poduzimanje svih mjera za blagovremenu naplatu vlastitih javnih prihoda.

DIO IV – NADZOR NAD PRIMJENOM PAVILNIKA

Član 9.
(Nadzor)

Nadzor nad primjenom ovog Pravilnika vrši Služba za upravu finansija, budžet i trezor.

V - PRELAZNE I ZAVRŠNE ODREDBE

Član 10.
(Primjena propisa višeg reda)

Na pitanja koja nisu uređena ovim Pravilnikom primjenjivat će se odredbe Pravilnika o vrstama vlastitih javnih prihoda u Federaciji BiH i Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine.

Član 11.
(Stupanje na snagu)

Ovaj Pravilnik stupa na snagu nakon davanja saglasnosti Gradskog vijeća Zavidovići na isti i objavit će se u „Službenom glasniku Grada Zavidovići“.



GRADONAČELNIK

doc. dr. Hašim Mujanović

OBRAZLOŽENJE

USTAVNOPRAVNI I ZAKONSKI OSNOV ZA UVOĐENJE ODLUKE

U članu 24. Zakona o budžetima FBiH ("Službene novine Federacije BiH", broj: 102/13, 9/14 – ispr., 13/14, 8/15, 91/15, 102/15, 104/16, 5/18, 11/19, 99/19, 25a/22), propisano je da „Federalni ministar finansija pravilnikom propisuje vrste javnih prihoda, način, rokove i uslove raspodjele, kao i kriterije za utvrđivanje vlastitih javnih prihoda“.

U članu 2. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22) propisano je da se „Određbe ovog Pravilnika odnose na sljedeće subjekte: a) budžetske korisnike budžeta Federacije Bosne i Hercegovine (u daljem tekstu: Federacija BiH), b) budžetske korisnike budžeta kantona, c) jedinice lokalne samouprave i d) vanbudžetske fondove.“

U članu 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22) propisano je da:

„ (1) Subjekti iz člana 2. ovog pravilnika dužni su u roku od 90 dana od dana stupanja na snagu ovog pravilnika, donijeti poseban akt o pojedinačnim prihodima iz čl. 5. i 6. ovog pravilnika koje ostvaruju i koji zadovoljavaju kriterije iz člana 4. ovog pravilnika na način da svaki subjekat u svom aktu taksativno popiše vrste vlastitih javnih prihoda iz čl. 5. i 6. ovog pravilnika koje ostvaruje, pravni osnov ostvarivanja, te namjenu i način trošenja vlastitih javnih prihoda.

(2) Na akt iz stava (1) ovog člana saglasnost daje Vlada Federacije BiH, vlade kantona te općinska/gradska vijeća, svako u okviru svoje nadležnosti.“

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Na osnovu člana 24. stav (1) Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), federalni ministar finansija donosi Pravilnik o vrstama vlastitih javnih prihoda u Federaciji BiH dana, 30.12.2022. godine.

U članu 7. u stavu 2. ovog Pravilnika propisano je da „(2) Vlastiti javni prihodi moraju biti planirani u budžetu odnosno finansijskom planu subjekata iz člana 2. ovog pravilnika.“

Odlukom o osnivanju općinskih službi za upravu općine Zavidovići“, broj 5/2005-prečišćeni tekst, 7/2009 i 8/2021) osniva se Služba za upravu finansija, budžet i trezor u čiju se nadležnost prenosi planiranje budžeta, izvršavanje budžeta u skladu sa Zakonom o budžetima u FBiH, Pravilnikom o knjigovodstvu budžeta FBiH kojim su definisani svi prihodi lokalnih samoupravnih jedinica, kao i vlastitih javnih prihoda.

Dana, 07.04.2022. godine Općinsko vijeće Zavidovići je donijelo Privremenu staturnu odluku Grada Zavidovića (Službeni Glasnik općine Zavidovići broj:4/2022) kojom je uređena uspostava, organizacija i funkcionisanje Grada Zavidovića u periodu do donošenja Statuta Grada, te druga pitanja. Na osnovu svih navedenih razloga potrebno je donijeti novi Pravilnik radi usklađivanja propisa.

USKLAĐENOST ODLUKE SA KANTONALNIM I FEDERALNIM ZAKONODAVSTVOM

Odredbe Pravilnika o vlastitim prihodima Grada Zavidovići usklađene su sa odredbama Zakona o budžetima FBiH ("Službene novine Federacije BiH", broj: 102/13, 9/14 – ispr., 13/14, 8/15, 91/15, 102/15, 104/16, 5/18, 11/19, 99/19, 25a/22) i Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22).

OBRAZLOŽENJE PRAVNIH RJEŠENJA U ODLUCI

Članom 1. definisan je predmet Pravilnika.

Članom 2. definisano je ko je subjekt primjene odredbi ovog Pravilnika.

Članovima 3. i 4. propisani su kriteriji za uzvrđivanje i vrste vlastitih javnih prihoda Grada Zavidovići.

Članovima 5., 6., 7. i 8. propisano je planiranje, namjena, raspolaganje i način uplate vlastitih javnih prihoda.

Članom 9. propisan je nadzor nad primjenom odredbi ovog Pravilnika

Članovima 10. i 11. propisani su propisi koji regulišu pitanja koja nisu uređena ovim Pravilnikom i vrijeme stupanje na snagu ovog Pravilnika.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Gradske službe za upravu, posebne gradske službe i Gradsko pravobranništvo Zavidovići dužni su se pridržavati odredbi ovog Pravilnika kod praćenja naplate vlastitih javnih prihoda i ako je potrebno u krajnjem slučaju naplatu vršiti sudskim putem.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za sprovođenje ovog Pravilnika nije potrebno posebno planirati sredstva u Budžetu Grada Zavidovića.

OPIS KONSULTACIJA VOĐENIH U PROCESU IZRADE ODLUKE

U procesu izrade pravilnika konsultacije su vođene sa Stručnom službom gradonačelnika.

Obradila:

(Amira Tadić)

Kontrolisao:

(Midhat Bajramović)



GRADONAČELNIK

doc.dr. Hašim Mujanović



Komisija za Statut i propise

Broj: 01-11-1306/24-AP-2

Datum: 18.06.2024. godine

Na osnovu člana 16. i 17. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 33. i 44. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za Statut i propise na 52. sjednici održanoj dana 18.06.2024. godine, razmatrala je Prijedlog Pravilnik o vlastitim prihodima Grada Zavidovići, pa nakon rasprave donijela

ZAKLJUČAK

1. Komisija za Statut i propise smatra da je Prijedlog Pravilnik o vlastitim prihodima Grada Zavidovići, u skladu sa zakonom i drugim propisima.
2. Komisija za Statut i propise smatra da je Prijedlog Pravilnik o vlastitim prihodima Grada Zavidovići, pripremljen u skladu sa članom 94. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/, 8/15, 91/15, 102/15, 104/16, 5/18, 11/19, 99/19 i 25/22) i članom 9. Pravilnika o vrstama vlastitih javnih prihoda u Federaciji BiH („Službene novine F BiH“, broj: 104/22).
3. Prijedlog Pravilnik o vlastitim prihodima Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
4. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amela Maćak, dipl. pravnik





**Komisija za budžet, finansije i
ekonomska pitanja**

Broj: 01-11-1306/24-AP-3

Datum: 18.06.2024. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 45. Poslovnika o radu Gradskog vijeća Zavidovići – prečišćeni tekst („Službeni glasnik Grada Zavidovići“, broj: 7/22 i 1/23), Komisija za budžet, finansije i ekonomska pitanja na 29. sjednici održanoj dana 21.05.2024. godine, razmatrala je Prijedlog Pravilnik o vlastitim prihodima Grada Zavidovići., pa nakon rasprave donijela

ZAKLJUČAK

1. Komisija za budžet, finansije i ekonomska pitanja prihvata Prijedlog Pravilnik o vlastitim prihodima Grada Zavidovići.
2. Prijedlog Pravilnik o vlastitim prihodima Grada Zavidovići, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

PREDSJEDNIK KOMISIJE

Amir Alić, magistar matematike i informatike

